

VENDIM
Nr.304, date 8.5.2003

**PER MBULIMIN E SHPENZIMEVE TE UDHETIMEVE DHE PER DIETAT PER
PUNONJESIT E MINISTRIVE DHE TE INSTITUCIONEVE BUXHETORE, KUR
DALIN JASHTE SHTETIT**

Ne mbështetje te nenit 100 te Kushtetutës dhe te nenit 7 te ligjit nr.8379, date 29.7.1998 "Për hartimin dhe zbatimin e Buxhetit të Shtetit të Republikës së Shqipërisë", me propozimin e Ministrit të Financave, Këshilli i Ministrave

V E N D O S I:

1. Përfitojnë shpenzime udhëtimi dhe dieta ne valute te huaj:
Punonjësit e ministrive, te institucioneve, ndërmarrjeve shtetërore etj., qe dërgohen me shërbim si anëtarë delegacionesh për konferenca, veprimtari te ndryshme ndërkombëtare, bisedime për marrëveshje, biznes, anëtarë te ekipeve kulturore dhe sportive dhe punonjësit e përfaqësive tona jashtë shtetit, kur emërohen, transferohen, dërgohen me shërbim jashtë përfaqësisë ose ne ndonjë shtet tjetër te huaj dhe kur kthehen ne atdhe me shërbim ose kur transferohen.
2. Për efekt te llogaritjes se shpenzimeve te udhëtimeve dhe dietave, personat ndahen sipas funksioneve, ne tre kategori:
 - a) Ne kategorinë e pare përfshihen personalitetet e larta shtetërore si: Presidenti i Republikës, Kryeministri, Kryetari i Kuvendit, Zëvendëskryeministri, Nënkryetari i Kuvendit, ministrat dhe funksionare te tjerë qe barazohen ne page me ta, deputetet, zëvendësministrat, sekretaret e përgjithshëm te ministrive dhe funksionare te tjerë, qe barazohen me ta ne page.
 - b) Ne kategorinë e dyte përfshihen: ambasadori, ministri fuqiplote i ngarkuari me pune ne shtete te huaja, konsulli i përgjithshëm, drejtoret e drejtorive ne ministri dhe institucionet e tjera qendrore dhe funksionet e tjera, qe barazohen ne paga me ta, si dhe punonjësit qe kane titullin shkencor "profesor".
 - c) Ne kategorinë e trete përfshihen: te gjithë punonjësit e tjerë te ministrive, institucioneve dhe përfaqësive, qe nuk përmenden ne shkronjat "a" dhe "b".
3. Masa e dietave, sipas kategorive dhe funksioneve për çdo kategori, paraqitet ne lidhjen 1, qe i bashkëlidhet këtij vendimi si pjese e pandare e tij.
4. Shpenzimet e udhëtimit dhe dietat për vendet e kontinentit evropian do te jene ne euro ndërsa për vendet e kontinenteve te tjera do te jene USD (dollarë amerikane).
5. Kur shpenzimet janë ne ngarkim te palës pritëse, si te qeverive te shteteve te ndryshme, te institucioneve dhe organizatave ndërkombëtare, te cilat u sigurojnë personave, qe përfitojnë dieta sipas këtij vendimi, vetëm shpenzimet e ushqimit dhe te fjetjes, pa u paguar asgjë ne çash, atehere këta persona përfitojnë nga buxheti i

institucionit te tyre vetëm shpenzime te vogla (para xhepi), te përcaktuara ne lidhjen 2, qe i bashkëlidhet këtij vendimi dhe qe është pjese e pandare e tij.

6. Kur shpenzimet janë ne ngarkim te palës pritëse, qe do te there se paguan tërësisht ose pjesërisht ne çash dhe pjesërisht hotel in dhe restorantin, pavarësisht nga masa e dietës qe paguan shteti ynë për këto raste, personat nuk përfitojnë asgjë nga buxheti i institucionit te tyre dhe nuk i detyrohen asgjë këtij institucioni.

7. Kur punonjësit e përfaqësive lëna jashtë shtetit emërohen ose transferohen, marrin dietën e kategorisë përkatëse, ndërsa kur shoqërohen nga bashkëshortja/bashkëshorti, këta te fundit marrin dietën e kategorisë se trete.

8. Shpenzimet e fjetjes dhe te udhëtimit për familjet e punonjësve te përfaqësive, qe emërohen ose transferohen, përballohen nga shteti.

9. Me fondet e planifikuara për institucionet buxhetore, përveç shpenzimeve te transportit, vajtje jashtë shtetit e kthim, sipas urdhrorit te drejtuesit te institucionit përkatës, te përballohen edhe shpenzimet e transportit brenda shtetit ku kryhet shërbimi, siç janë shpenzimet nga aeroporti ne destinacion dhe anasjelltas, shpenzimet për lëvizjen neper qytete për nevoja pune, brenda shtetit përkatës, si dhe shpenzimet brenda qytetit ku kryhet shërbimi, për distanca te largëta, kur këto nuk vlerësohen si transport urban (për transportin urban shpenzimet përballohen nga vete punonjësit).

10. Shpenzimet e fjetjes, te transportit dhe shpenzimet e tjera ne ngarkim te shtetit, për te gjitha rastet, njihen sipas dokumentit përkatës (faturës, biletës etj.).

11. Pikat 14, 15, 16, 17, 19 dhe 20 te vendimit nr.473, date 29.9.1993 te Këshillit te Ministrave dhe vendimet nr. 463, date 16.9.1993 e nr.48, date 21.2.1994 te Këshillit te Ministrave, shfuqizohen.

12. Ngarkohen Ministri i Financave dhe Ministri i Punëve te Jashtme te nxjerrin udhëzimin e përbashkët për zbatimin e këtij vendimi.

Ky vendim hyn ne fuqi pas botimit ne Fletoren Zyrtare.

KRYEMINISTRI
Fatos Nano

Lidhja 1: Ne euro Ne doll U.S.A

Për masën e dietave për jashtë shtetit konform pikës 3 te vendimit te Këshillit te Ministrave "Për shpenzimet e udhëtimeve dhe dietave jashtë shtetit për punonjësit e ministrive dhe institucioneve buxhetore"

Për kategorinë e I-re

1. Presidenti i Republikës 100 100
2. Kryeministri dhe Kryetari i Kuvendit 80 80
3. Zëvendëskryeminist ri dhe Nënkryetari i Kuvendit ministrat, dhe funksionaret e tjerë qe barazohen me ta ne page 70 70
4. Deputetet e Kuvendit dhe funksionaret e tjerë qe barazohen me ta ne page 60 60
5. Zëvendësministrat, sekretaret e përgjithshëm te ministrive dhe institucioneve buxhetore dhe funksionare te tjerë qe barazohen me ta ne page 50 50

Për kategorinë e II-te

Ambasadoret, ministrat fuqiplote te ngarkuarit me pune ne shtetet e huaja, konsulli i përgjithshëm, drejtoret e drejtorive ne ministri dhe institucionet e tjera buxhetore, punonjësit me titull shkencor "profesor" dhe te gjitha funksionet e tjera qe barazohen me ta ne page 40 40

Për kategorinë e III-te

1. Te gjithë punonjësit e tjerë te ministrive dhe institucioneve buxhetore 35 35

Lidhja 2: Ne euro Ne doll U.S.A

Për masën e shpenzimeve te vogla për jashtë shtetit konforme pikës 5 te vendimit te Këshillit te Ministrave "Për shpenzimet e udhëtimit dhe dietave jashtë shtetit për punonjësit e ministrive dhe institucioneve buxhetore".

1. Kategoria e pare

40 për qind e dietës sipas lidhjes 1 për çdo funksion

2. Kategoria e dyte

Ambasadoret, ministrat fuqiplote te ngarkuarit me pune ne shtete te huaja, konsulli i përgjithshëm, drejtoret e drejtorive ne ministri dhe institucione te tjera buxhetore, punonjës me titull shkencor "profesor" dhe funksione te tjera qe barazohen me ta ne page 15 15

3. Kategoria e trete

Te gjithë punonjësit e tjerë te ministrive dhe institucioneve te tjera buxhetore, përfaqësive etj. 12 12

